



Broj: T18 0 KT 0018070 25
Brčko, 18.09.2025. godine

Optužnica potvrđena dana 02.10.2025. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

I. M. zv. „K.“, rođen 2005. godine u Gradačcu,

Što je:

Dana 17.10.2024. godine, oko 13.10 časova, u mjestu ..., Brčko distrikt BiH, upravljajući putničkim motornim vozilom marke „BMW“, tip 346 L, registarskih oznaka ..., vlasništvo M. A., krećući se magistralnim putem M1.8, iz pravca Tuzle ka Orašju, bez položenog vozačkog ispita, znajući da motornim vozilom u saobraćaju na putu može da upravlja samo lice koje je položilo vozački ispit za upravljanje motornim vozilom određene kategorije ili potkategorije, postupajući tako suprotno odredbi člana 184 stav (1) Zakona o osnovama bezbjednosti saobraćaja na putevima u BiH, krećući se brzinom većom od dozvoljene, koja je u trenutku sudara iznosila oko 71,1 km/h, na dijelu puta na kojem je brzina kretanja vozilom ograničena na 60 km/h, postupajući tako suprotno odredbi člana 44 stav (1) Zakona o osnovama bezbjednosti saobraćaja na putevima u BiH, pa je tako, svjestan da takvom vožnjom ugrožava javni saobraćaj i dovodi u opasnost život ljudi, olako cijeneći da do saobraćajne nezgode neće doći, naletom i čeonim desnim dijelom vozila kojim je upravljao, u desnoj kolovoznoj traci, ostvario kontakt sa stražnjim lijevom dijelom putničkog motornog vozilom marke „Seat“, tip AA, registarskih oznaka ..., koje se u tom trenutku polukružno okretalo ulijevo sa zemljanog proširenja pored magistralnog puta M1.8, na taj magistralni put u smjeru Orašja, na dijelu puta na kojem je iscrtana puna razdjelna linija, a kojim vozilom je upravljao E. H., koji je tom prilikom zadobio tešku tjelesnu povredu u vidu krvnog podliva kože i tkiva mekog oglavka desno tjemenom – potiljačno sa izlivom krvi u meke mozgovne ovojnice lijevo čeonu, desno čeonu tjemenom obostrano uz moždani šator, više lijevo kao i desno uz međupolutinsku pukotinu uz slijedstveno nastali potres mozga, nategnuće desnog koljenog zgloba i „kontuziju“ lijevog lakta,

dakle, kao učesnik u saobraćaju na putevima, nije se pridržavao saobraćajnih propisa, pa je time iz nehata ugrozio javni saobraćaj da je doveo u opasnost život ljudi, zbog čega je kod drugog nastupila teška tjelesna povreda,

čime je učinio krivično djelo Ugrožavanje javnog saobraćaja iz člana 326 stav (3) u vezi sa stavom (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
